

ქედის მუნიციპალიტეტის მერიის ზედამხედველობის სამსახურის

ა ნ გ ა რ ი შ ი

2019 წლის IV კვარტალში გაწეული მუშაობის შესახებ

მუნიციპალიტეტის მერიაში საანგარიშო პერიოდში მშენებლობის ნებართვის მისაღებად შემოსულ განცხადებებზე კანონით განსაზღვრულ ვადაში გაცემულია 3 (სამი) სამშენებლო ნებართვა. კერძოდ, სოფელ ზედა მახუნცეთის მცხოვრებ მერაბ ირემამეზე სამ სართულიანი საცხოვრებელი სახლის, სოფელ მილისში ფრიდონ გვარიშვილზე ინდივიდუალური საცხოვრებელი ხის კოტეჯისა და სოფელ პირველ მაისში ნარგიზ და შორენა აბულაძეების თანასაკუთრებაში ორსართულიან საცხოვრებელ სახლზე. ექსპლოატაციაში მიღებული იქნა დაბა ქედის ტბ. აბუსერიძის ქუჩის მიმდებარედ საზოგადოებრივი ცენტრის (სოფლის სახლი) და სოფელ მენწმანში ფერმერთა და აგრომრეწვთა შენობა- ნაგებობები.

ჩატარდა კეთილმოწყობითი და დასუთავების სამუშაოები შპს ქედის „კომუნალურსერვის - ის სამსახურთან ერთად დაბა ქედის ტერიტორიაზე. კერძოდ გაიწმინდა და დასუფთავდა პარკები და სკვერები ნაგვისა და ნარჩენებისაგან, მოწესრიგდა მუნიციპალიტეტის მერიის, ტბ. აბუსერიძის, 9 აპრილის, გოგებაშვილის ქუჩების ტერიტორია. სისტემატურად მიმდინარეობს ქუჩების დაგვა-დასუფთავება და ხდება ნაგვისა და საყოფაცხოვრებო ნარჩენების გატანა დაბა ქედისა და მუნიციპალიტეტის სოფლებიდან. ჩატარდა დასუფთავების აქციები 9 აპრილის პარკში აწვესში და მდინარე აჭარისწყლის მარჯვენა სანაპიროზე. შპს „კომუნალურსერვისი“-ს მიერ გაიწმინდა მდინარე აჭარისწყლის მარცხენა სანაპიროს ტერიტორია სამშენებლო ნარჩენებისგან. განხორციელდა დაბა ქედაში მრავალწლიანი ნარგავების გასხვლა- გაწმენდითი და სარეველა მცენარეების გაცეღვითი სამუშაოები.

სისტემატურად ხორციელდება დაზიანებული გარე განათების ქსელებისა და სანათი წერტილების აღდგენა მუნიციპალიტეტის ტერიტორიაზე. შპს „კომუნალურსერვისი“-ს მიერ ჩატარდა გარე განათების ქსელის სარემონტო სამუშაოები სოფლებში: ოქტომბერი, მემიბნა, კვაშტა, ვაიო, ცხმორისი, არსენაული და აწვესის დასახლება.

ზედამხედველობის სამსახურისა და შპს „კომუნალურსერვისი“-ს მიერ განხორციელდა გაფრთხილება ფიზიკური და იურიდიული პირებისა, რადგან მათ სამოქმედო ტეროტორიაზე მოახდინონ მოვლა პატრონობა და დანაგვიანების აღკვეთა, წინააღმდეგ შემთხვევაში მათზე, დასუფთავების წესების დარღვევისთვის გატარდება კანონით გათვალისწინებული ღონისძიებები. განხორციელდა წონიარისის, დაბა ქედისა და მახუნცეთის ადმინისტრაციულ ერთეულის ცენტრებში მოსახლეობასთან შეხვედრები გარემოს დანაგვიანებაზე. განთავსებულ იქნა საჯარო ადგილებში გამაფრთხილებელი პლაკატები და დარიგებული იქნა ბუკლეტები. სისტემატურ კონტროლზეა აყვანილი მდინარე აჭარისწყლის სანაპიროდან ინერტიული მასალების მომპოვებელი კომპანიები, რათა არ მოახდინონ გადაზიდვის დროს გზის სავალი ნაწილის დანაგვიანება. გამოვლენილი ფაქტების შემთხვევაში მათზე ტარდება კანონით გათვალისწინებული ზომები.

საანგარიშო პერიოდში შპს „წყალკანალი“-ს მიერ ჩატარდა საკანალიზაციო და სანიღვრე არხების დაზიანებული მონაკვეთების აღდგენა აბუსერიძის, წერეთლის, აღმაშენებლის ქუჩებზე. სოფელ მახუნცეთში (აწვესის დასახლება) შეიცვალა საკანალიზაციო მილი. სარემონტო სამუშაოები ჩატარდა აწვესისა და გეგელიძეების სასმელი წყლის მაგისტრალებს. დაბა ქედაში სისტემატურად ხდება არსებული სანიაღვრე არხების გაწმენდა.

სამსახურმა მშენებელ კომპანიებს, შპს „ეკოლაინ“-ს და შპს „ემემტე“-ს გადაუგზავნა შესრულებული სამუშაოების შემდეგ გამოვლენილი ხარვეზების გამოსწორების მოთხოვნის წერილები, რათა საგარანტიო პერიოდის განმავლობაში საკუთარი ხარჯებით აღმოეხერხებინათ პრობლემები. მათ მიეცათ გონივრული ვადა სამუშაოების შესრულებისათვის.

შესწავლილი იქნა დაბა ქედისა და თემის ცენტრების გარე-იერსახის, გარე-რეკლამის, გარე-ვაჭრობისა და სანიტარული დასუფთავების მდგომარეობა მისი მოწესრიგების მიზნით. ობიექტის მფლობელებს მიეცათ გაფრთხილება კეთილმოეწყობთ ობიექტის გარე სარეკლამო აბრები და დაიცვან სანიტარული დასუფთავების წესები. უნებართვო მშენებლობის წარმოებისათვის გაფრთხილებულ იქნა შპს „ჯეტ გრუპი“-სოფელ ქვედა მახუნცეთში (აწვესის დასახლება) გრავიტაციული საბაგირო გზის მშენებლობის წარმოებაზე, რის გამოც შეჩერებულ იქნა მშენებლობა ნებართვის მიღებამდე.

სისტემატიურად ვახდენთ კონტროლს მუნიციპალიტეტის ტერიტორიაზე მშენებარე შენობა-ნაგებობებზე, უსახურ, ამორტიზირებულ ობიექტებზე ღონისძიებების გატარებას. ჩატარდა ინფრასტრუქტურული სამუშაოები. კერძოდ, დასრულდა სოფელ აქუცისა და ზუნდაგის სასმელი წყლის, სოფელ ზუნდაგისა და ქოსოფლის საავტომობილო ხიდის, აქუცის სასოფლო კლუბის, პირველი მაისის საბავშვო ბაღის, ზედა ბზუბზუში მინი სპორტული მოედნის, დაბა ქედაში სახოკიას ქუჩაზე სარეაბილიტაციო სამუშაოები. ასევე მიმდინარეობდა სოფლის მხარაჭერის პროგრამით გათვალისწინებული სამუშაოები სოფელ მახუნცეთის თემში სანიაღვრე არხის, მინი სპორტული მოედნის, ფანჩატურის, სოფელ გარეტყეში სოფლის სახლის, სოფელ ზესოფელში წყლის ბასეინისა და წისქვილის, სოფელ ზენდიდში სანიაღვრე არხების მშენებლობები. დასრულდა ტურისტული ინფრასტრუქტურის სამუშაოები მერისის, მახუნცეთისა და დაბა ქედის ადმინისტრაციულ ერთეულებში. მიმდინარეობს სოფელ პირველ მაისში მრავალბინიანი საცხოვრებელი სახლისა და სოფელ ახოს ბაგა-ბაღის სამშენებლო სამუშაოები.

სამსახური დროულად ახდენს რეაგირებას შემოსულ განცხადებებსა და წერილებზე. ყველა მათგანს დროულად გაეცა პასუხი.

ზედამხედველობის სამსახური საგანგებო მსჯელობის საგნად გახდის, როგორც სახელმწიფო სექტორის, ასევე კერძო მოსახლეობის მხრიდან საზედამხედველო კანონმდებლობით გათვალისწინებულ ფაქტებზე შესაბამის ღონისძიებებს.